



2020 йил « 07 » 02

№ 08-35

« » 20 года

**Ўзбекистон Республикаси олий ва ўрта махсус таълим вазирининг
2020 йил 31 январдаги 73-сон ҳамда адлия вазирининг
2020 йил 3 февралдаги 24-ум-сон буйруғи ижроси тўғрисида**

Ўзбекистон Республикаси Президенти Ш.М. Мирзиёевнинг Олий Мажлисга қилган Мурожаатномасида ёшларнинг таҳсил олиши учун барча қулайликларни яратиш, битирувчиларни олий таълим билан қамраб олиш даражасини ошириш, олий таълим стандартларини хорижий тажриба асосида такомиллаштириш, ўқув жараёнини кредит-модуль тизимида ўтказиш каби олий таълим тизими олдида турган муҳим вазифалар белгилаб берилди.

Бу вазифаларни тўлақонли ва сифатли амалга оширилишида олий таълим тизимида меҳнат қилаётган барча ходимлар учун зарур шарт-шароитларни яратиш, уларнинг меҳнат ҳуқуқларини таъминлаш ҳамда иш унумдорлигини ошириш муҳим аҳамият касб этади.

Шу билан бир қаторда, айрим ҳолларда кузатилаётган ходимларнинг дам олиш кунлари ишга чиқиши ёки иш вақти тугагандан кейин ишда қолиши турли хил салбий оқибатлар, шу жумладан, оилавий муаммолар пайдо бўлиши, иш унумдорлигининг пасайиши, моддий таъминот (электр энергияси, табиий газ, оргтехника ва бошқа) харажатлари асоссиз равишда қўпайишига олиб келмоқда.

Бу каби салбий ҳолатларни бартараф этиш, Ўзбекистон Республикаси Меҳнат кодекси, жамоа шартномаси ҳамда ички тартиб қоидаларига мувофиқ Тошкент давлат юридик университетида меҳнат қонунчилигига риоя этилишини таъминлаш, иш унумдорлигини ошириш, дам олиш вақтида ходимларнинг жисмоний-рухий тикланиши ва оилавий масалаларда зарур шарт-шароитларни яратиш мақсадида

Б У Ю Р А М А Н:

1. Ўзбекистон Республикаси олий ва ўрта махсус таълим вазирининг 2020 йил 31 январдаги “Вазирлик ва унинг тизимидаги ходимларнинг меҳнат ҳуқуқларини таъминлаш ва иш унумдорлигини ошириш чора-тадбирлари тўғрисида”ги 73-сон ҳамда Ўзбекистон Республикаси адлия вазирининг 2020 йил 3 февралдаги “Ходимларнинг меҳнат ҳуқуқларига сўзсиз риоя этиш ҳақида”ги 24-ум-сон буйруғи раҳбарлик ва ижро учун қабул қилинсин.

2. Университет проректорлари, курс деканлари, кафедра мудирлари ва барча таркибий бўлинма раҳбарлари:

Ўзбекистон Республикаси Меҳнат кодексининг 129, 130-моддаларига асосан ходимларга ҳар ҳафталик дам олиш имконияти яратилиши, дам олиш вақтида ходимларни ишлатиш тақиқланганлиги тўғрисидаги нормаларига;

Меҳнат кодексининг 220, 228 ва 245-моддаларида белгиланган чекловларга риоя этган ҳолда айрим ходимларни дам олиш вақтида ишга жалб этишга фақат алоҳида ҳолларда иш берувчининг буйруғи билан йўл қўйилишига;

Меҳнат кодексининг 157-моддасига мувофиқ иш вақтидан ташқари дам олиш ва байрам кунларидаги ишлар учун камида икки ҳисса миқдорда ҳақ тўланиши ёки ходимнинг хоҳишига қараб бошқа дам олиш куни (отгул) берилиши шартлиги ҳақидаги қонун талабларига **катъий амал қилсин.**

3. Белгилаб қўйилсинки, қонунчиликда белгиланган иш вақти доирасида ходимларнинг юқори меҳнат унумдорлиги таъминланиши, ишдан ташқари вақтда, айниқса, шанба ва якшанба кунлари ходимларни асоссиз равишда меҳнатга жалб этилмаслиги ҳамда уларнинг иш вақтидаги меҳнат фаолияти назорат қилиниши, ходимларга меҳнат таътилларини ўз вақтида берилиши ва шу давомида уларнинг саломатлигини тиклаш учун касаба уюшмаси орқали амалий ёрдам кўрсатилишига проректорлар, курс деканлари, кафедра мудирлари ҳамда бошқа таркибий бўлинма раҳбарлари масъул ҳисобланади.

Ҳафтанинг душанба кунига белгиланган ҳар қандай йиғилишлар ва турли мажлислар бошқа иш кунларига кўчирилади ҳамда дам олиш ва байрам кунларида ходимларнинг университет биносига кириши фақат адлия вазيري ўринбосари – ректорнинг ёзма рухсати билан йўл қўйилади.

4. Қонун талаблари бузилган ҳолда асоссиз равишда ишга жалб этиш оқибатида ходимга тўланиши лозим бўлган қўшимча ҳақ ва бошқа харажатлар айбдор адлия органлари ва муассасалари раҳбарлари ҳисобидан тўланиши белгиланганлиги инобатга олинсин.

5. Проректорлар, курс деканлари, кафедра мудирлари ҳамда бошқа таркибий бўлинма раҳбарлари ушбу буйруқни бўйсунувидаги ходимлар билан муҳокама қилсин ва Кадрлар бўлими (А.Матмуротов)га йиғилиш баёнидан кўчирмани тақдим этсин.

6. Кадрлар бўлими (А.Матмуротов) касаба уюшмаси қўмитаси (Э.Қодиров) ва юрисконсульт (А.Сафаров) билан биргаликда меҳнат қонунчилигига амал қилиниши юзасидан **катъий назорат ўрнатиб**, ходимларнинг меҳнат ҳуқуқлари бузилиши ҳолатлари бўйича қонуний чоралар кўриш ҳақида **таклифлар киритиб борсин.**

7. Канцелярия ва архив (Х.Абдуллаев) мазкур буйруқни университетнинг барча таркибий бўлинмаларига етказсин.

8. Ушбу буйруқнинг бажарилишини назорат қилишни ўз зиммамда қолдираман.

Адлия вазيري
ўринбосари – ректор



Р. Ҳакимов